

CROS - Corretore Regionale Ortogràficu Sardu

Su Curretore Regionale Ortogràficu Sardu (CROS) est un'istrumentu de importu mannu chi, ispètzie cando si impreant sos mezos informàticos, azudat a iscrìere in limba sarda. Prus che totu su CROS est istadu fatu pentzande a s'impreu de sa limba sarda in s'amministratzione pùblica.

Su programma zat sa possibilidade de fàghere curretziones impreande

- sas normas de *s'istandard* linguìsticu isperimentale pro sa limba iscrita in essida dae s'Amministrazione regionale (adotadas cun D.G.R. n.16/14 de su 18 de abriale 2006 e
- sas àteras variedades de sa limba sarda.

In su situ istituzionale de sa Regione, in SARDEGNACULTURA → IL SARDO → CROS, su curretore est a disponimentu – de badas (*gratis*) – de totus sos chi ddu cherent impreare.

Su CROS podet èssere impreadu in versione *on-line* e in versione *off-line*.

S'edizione 2012 de su cuncursu "*Comuni Fioriti / Comunes froridos*".

Ocannu sa manifestatzione at tentu sa partetzipatzione de 145 comunes de totu Itàlia e sa premiatzione est istada fata in Transacqua, in Provìntzia de Trento.

Sa giuria de su cuncursu at premiadu su Comune de Sorradile cun unu puntègiu de duos froes.



Comune de Sorradile
Provintzia de Aristanis

Sa redatzione de *Novas sorradilesas* est contivizada dae su Servìtziu linguìsticu sardu de su Comune de Sorradile (Sotziedade Cooperativa L'ALTRA CULTURA)

S'**isportellu linguìsticu** est a disponimentu de tzitadinos, maistros de iscola, professores, istudiantes pro cale si siat informatzione, duda, bibliografia, sitografia in contu de sa limba sarda, pro consulèntzias didàticas e pro cussizos chi pertocant sas règulas de iscritura de su sardu.



Comune de Sorradile
Provintzia de Aristanis

www.comune.sorradile.or.it

Novas sorradilesas

Newsletter periòdica de informatzione istituzionale de su Comune de Sorradile